

عاشیق سیروس ایله عاشیق یدالهمین دئیشمه سی



عاشیق سیروس ایلہ

عاشیق یدالہ نین

باغلاشماسی

آلدی عاشیق سیروس

عاشق اودور هر بیر سوزون معناسی دوز یازا
 چکه نظمه حقیقتدن نه اینکی عرفان پوزا
 نانجیی قویمارام من مردلره قوی قازا
 دریسندن چارخ چکیب سالام من اینه بیزه

آلدی عاشیق یداله بیله دئدی

یوموشاقدان دانشاندا دمه ساده دانیشیر
 قلم الده روان اولور اورک اودا آلیشیر
 چوخ سنین تک جوان عاشق سوز یازماقچالیشیر
 پرسیز بالیغ ایلتنمز درین دریاده اوزه

عاشیق سیروس دوباره بیله سنوال ویردی عاشیق یداله یا
 من سیروسام هر بیر سوزه باش وریبان داشمارام
 هر صیادین گوله سینه اوخلانبان آشمارام
 عبس یئره اویناماسن قباغندان قاشمارام

یاواش یاواش یریش اورگن گل با هم چیخاخ دوزه

آلدی عاشیق یداله

یداله هام یول ویرمرهم میدانمدا نادانا

غرق ایلرم سنین کیمی عاشیق‌لاری عمانا

سالاجاقام بوگون سنی چنلی چیسگین دومانا

توتاجاقدی بوران سنی گورسنمنس دای گوزه

عاشیق سیروس سونونجی بندی قورتاریب یداله دا جواب وردی

نوبت یداله نیندیر گوره ک بوردا عاشیق سیروسدان نه خبر آلیر

سندن خبر آلیم ای عاشیق سیروس

ازل منه او قرآندان خبر ویر

نه سوره دی ایکی بسم اللهی وار

دوزون آختار او بیاندان خبر ویر

آلدی گوره ک عاشیق سیروس نئجه جواب ویردی

ال حوائین دیم عاشیق یداله

آیه اتوز او بیاندان دیرم
آلدی عاشیق یداله

ازل شعرى کیم یازیبان اوخودی
خالیقی آغلادان هانسی اوخودی
نه سوردی بسم الهی یوخودی
ازل سودان او عمان دان خبر ویر

آلدی عاشیق سیروس

ازل شعرى ادریس یازیب اوخودی
خالیقی آغلادان اصغر اوخودی
او توبه دی بسمه الهی یوخودی
زبیر جددن او عماندان دئیرم

آلدی عاشیق یداله

ازل گونده هانسی حیوان یارانیب
هانسی دریا یاشیل رنگه بویانیب
کیم کیمدن ده گوروم انعامین آلیب
یداله ها او دوراندان خبر ویر

آلدی عاشیق سیروس

گاو ماهی ازل گونده یارانیب
 نیل دریاسی یاشیل رنگه بویانیب
 خالقدن محمد انعامین آلیب
 مسن سیروسام او دوراندان دئییرم

دوباره میدانی ویردیلر عاشیق سیروسا گوره ک عاشیق یداله دان نه

خبر آلی

عاشیق سیروس

سندن خبر آلیم عاشیق یداله
 موسی نین مزارین کیمله قازیلدی
 بیر میلیون اون بش مین اتوز هاردادی
 علمین خطی سویله کیمله یازیلدی

عاشق یداله

آل جوابین دئییم آی عاشیق سیروس
 عزرازیل علیه قبر قازیلدی

عاشق سیروس

آل جوابین دئیم عاشق یداله
 ادريس عمری ایلین گونین سانیدی
 جعفر شریک اولدی رسول جنگینه
 جسد اوشدی یرده قالان قانیدی

عاشق یداله

نچه صُحف گلیب انبیالره
 آخری کیم اولدی دوشوب دیلره
 کیمیدی خلوتی گتدی گویلره
 هاردا گوردی رسول اونو تانیدی

عاشق سیروس

یوز دورت صُحف گلیب انبیالره
 آخری ابراهیم دوشوب دیلره
 علیدی خلوتی گدیپ گویلره
 مسجد الاقصا ده رسول تانیدی

هر تخت اوسته نچه فرش سالیبدی

عاشق یدالہ

سنه جواب وریم آی عاشق سیروس
 او جـنتـده قـصر بنا اولوبـدی
 یتـمـیش مین اوتاق وار یتـمـیش مین تختی
 هر تخت اوسته یتـمـیش فرش سالیبدی

عاشق سیروس

ده هارادی اوردا گوندوز گون اولماز
 اورانین طعمین کیملر دادانماز
 او نـدی کی گردشی یوخ دولانماز
 او نـدندی اورا ثابت قالیبدی

عاشق یدالہ

او بهشتی اوردا گوندوز گون اولماز
 گوناھکارلار او طعمدان دادانماز

او جنت دی گِردشی یوخ دولانماز
امر الهی دی ثابت قالیدی

عاشق سیروس

سیروس دئیر کیم یازیدی توراتی
ندن خلق ائده جک پل صراطی
کیمه مهریه سالدیلار فراتی
پیغمبر نه گونده تاجین آلبدی

عاشق یداله

یداله هام الله یازدی توراتی
غاشیه دن خلق ائده جک صراطی
فاطمیه مهریه اول فراتی
پیغمبر یکشنه تاجینه آلبدی

عاشیق یداله دوباره قفیل بنده ال ووروب گوره ک هانسی

سوزوباشلایر آلیب عاشیق یداله

عاشق یداله

سندن خبر آلیم آی عاشق سیروس

یوز اندورته نچه دورتدی بشابش

ده اوش یوز اللی بیر کیمه گلیدی

اونون مقامیندا واردی بشابش

عاشق سیروس

سنة جواب ویریم عاشق یداله

قرآندا سوره وار دوردی بشابش

او قرآندی محمده گلیدی

پنج تن آل عبادی بشابش

عاشق یداله

سند عالمینده اوندی بیر دی

عرشه طرف گئدن او هانسی دردی

رسولون تاجینی کیمیدی وئردی

اقـباده کیم لره یاردی بشا بش

عاشق سیروس

سـند علمینده الفدی بـیدی
 عـرشه طرف گـئدن در خـسیردی
 رـسولون تـاجینی اول اسماء وردی
 اقـباده مـؤمونه یاردی بشا بش

عاشق سیروس

سـند عالمینده الفدی بـیدی
 عـرشه طرف گـئدن در خـسیردی
 رـسولون تـاجینی اول اسماء وردی
 اقـباده مـؤمنه یاردی بشا بش

عاشق یداله

یـداله هـین حقه واردی نیتی
 چـوخ اولاجاق بوردا سنله صحبتی
 الفـدن درس آلیب واردی قـدرتی
 نـه لبادی حکمداردی بشا بش

عاشق سیروس

سیروسون سوزیدی دونیا ثروتی
 کامل استادلاردان ائدیب عبرتی
 شریعت بویوروب جمیع خلعتی
 او کفن دی حکم داردی بشا بش
 گینه میدان سیروسوندور گوره ک بوردا عاشیق یداله دان نه
 سوروشور

عاشق سیروس

نور حقدن اول حبیبه
 گتدی لبانی جبرئیل
 بیت المأمور دان آپاردی
 او مصطفانی جبرئیل
 عاشق یداله

شه پری ناریله یاندی
 گزدی دریانی جبرئیل
 یاهو یاهو صدا گلدی
 گوردی مولانی جبرئیل

عاشق سیروس

سیر ایلدی هفت و هشتدن
 بیر سس گلدی قانلی تشدن
 صحت اولدی سیر بشدن
 دئدی اعیانی جبرئیل

عاشق یداله

عالی حساب گلدی اله
 دوشدی اوردان دیلدن دیله
 وحی گلدی حقدن بیله
 بش دئدی آنی جبرئیل

عاشق سیروس

جنتده طوبی آغاجی
 گزدی رسول او معراجی
 سرینه قویماقا تاجی
 گتدی اسمانی جبرئیل

عاشق یداله

زیر و زیر جندی پری
 هر ایشدن آگاه دی سری
 مسعراجی ده غـضنفری
 گوردی نورانی جبرئیل

عاشق سیروس

سیروس حقه ال گوتوردی
 حاجتین حقه یتیردی
 رسول الله گیتیردی
 گوزل قرانی جبرئیل

عاشق یداله

یداله هقه ساریسان
 پیریندن درسی الماسان
 حقدن الهامی المی سان
 ائدی بیانی جبرئیل

آلدی دوباره گوره ک عاشیق یداله داهانه خبر آیر عاشیق

سیروسدان

عاشق یداله

عاشق سیروس بیر حکمت توش اولدوم
 بییر جسد ده آب و آتش واریدی
 او آگاه دی بو دنیانین سرینا
 یاری رنگی ندی یاری ساریدی

عاشق سیروس

آل جوابین دئیم عاشق یداله
 اول حبیب دی آب و آتش واریدی
 با خبردی بو دونیانین سرینا
 آب رنگی آغ دی آتش ساریدی

عاشق یداله

کیملرین گوزونه دنیا اولار دار
 نه سوره ده سویله اولدوز آدی وار
 نه آغاشدی گولی اولار ویرمز بار
 بارین کسن سویله ندن ساریدی

عاشق سیروس

خسین گوزونه دنیا اولار دار

طاریق سوره سینده اولدوز آدی وار
 گول آچان سویوددی داهاویرمز بار
 اونون بارین کسن هاییل قانیدی
 عاشق یداله

عاشق یداله هام حق دیوانیمدی
 احمد یولون کسن نجه خانیم دی
 دوقوز دفعه واجب نه بیانیمدی
 بولاری حکم ائدن گوزل تانیریدی
 عاشق سیروس

سیروس دئییر حقه قوربان جانیمدی
 احمد یولون کسن دونیا خانیمدی
 دوقوز صلواتدی گون بیانیمدی
 نماز دادی حکم ایملین تانیریدی

بوردا ایکی عاشیق بیر بیرین باغلایا بیلمه دی ائله جه ده داستان
 صونا یتدی

عاشق یدالہین

شعر لری

بوشعری عاشیق یداله بم شهرینده اولان زلزله یازیبدیر

۸۲/۱۰/۱۲ ائلخچی شهرینده

نیله سین

بولبوله همدمدی باغلار باغچالار
ویران قالمیش باغدا لالانیله سین
آتاسین قارداشین الینده ن ویره ن
آناسیز بیر کورپه بالانیله سین

* * *

دونه ن آباد آیدین بوگون خرابه
نقدر انسان ئولوب گلمیر حسابه
هر کیم باخیر اوره ک دونور کبابه
گزیر دیده گیران ناله نیله سین

* * *

اوره کلرده قالدی آرزوایسه دیلک
تسرینه ایشله دی بوقانلی فلک
نئجه تاب گیترسین بو ظلمه اوره ک
حسرت باخان ایندی یولانیله سین

آوارلار آلتیندا قالان بالالار
 ال آتیب ساچلارین یولان آنالار
 اللری قوینوندا اولان آتالار
 بوگون قالیب یامان حالا نیله سین

* * *

نقدرگر یازام بوسوزلر کم دی
 هامی بسیج اولوب بیرئیره جمعدی
 یداله ائلین شریکی غمدی
 غمی غم اوستونده قالانیله سین

* * *

سوزونه

انساندا گرکدیر بیر سخا اولسون
 ایکی اوزولو انسانین اویمما سوزونه
 نامرداوجاغینین ایستی سی اولماز
 یاندیقجا توسولر باخما گوزونه

* * *

ناکسلر همیشه گزه ر پنهانی
 شهرتی توتانلار چو خودور دونیانی
 یالتاق اولمائیترده قویار انسانی
 اگر قولاق ویرسن سوزون دوزونه

* * *

خسته به شفادی یای فصلینده قار
 بولبوله یاغدير گلستاندا خار
 اوکسده کی یو خودور ناموس غیرت عار
 یاخشی یامان گلمز اونون گوزونه

* * *

مخنت کیمسه نین اولماز وفاسی
 درده دوشسون تاپیلما سین دواسی
 الله هین وارمین بیرایکی بلاسی
 گویده ن گلن کیمی ده یسین اوزونه

* * *

یداله النیده تئللی ساز اولا
 عرفان مجلسینده صحبت سوز اولا

بیر ایگیت کی ایلقار یندا دوز اول
اونو ویرمه بی ایلقارین یوزونه

* * *

اوغول

بو یوگون سوزونو خلق آراسیندا
هر وخت دئسه یئره سالما آی اوغول
ایری باخما آتا آنا اوزونه
هیچ وخت یامان گونه قالما آی اوغول

* * *

دوستونو دوست تانی دوشمانی دوشمان
ویرمه مخته گوزه له سن آمان
فرودین دیئنده اولماسا ایمان
اوندان تیکه چوره ک آما آی اوغول

* * *

عاشیق یداللاهام حقدی سوزلریم
دوستاقوربان اولسون منیم گوزلریم

کشمشیلرده ن چوخ واریمدی ایزلریم
پیسین دالسینجا دالما آی اوغول

* * *

اولار

بیرکسده سخاوت معرفت اولسا
اونون حق یانیندا اوزو آغ اولار
کشیده ن بیرگولله ده یسه اینجمز
مخنین سوزو اونا داغ اولار

* * *

اود کوک اوسته بیته ر دیتب اتالار
عقل پولاده گیل آلیب ساتالار
بیرنفری ائلده ن کنار آتالار
ئل طایفا ایچینده دایم لاغ اولار

* * *

کلمه ای شهادت واردیلیمیزده
دوننیا نین اعماله وار الیمیزده

یداله دان حق سوز وار ائلمیزده
مومنه آخرت گوزه ل باغ اولار

* * *

وارمنیم

کونول قوشی قالخیب قفسده گینه
بولبرله م قونماغا گولوم وارمنیم
قدرتینده ن ویریب اوزوپای منه
شکرده ن شیریندی دیلیم وار منیم

* * *

قیسمتیم نه اولسازل بینادان
یازیدی آنیما اوزو یارادان
کرم ایله گل اونودما دوادان
قوهوموم قلیله م ائلیم وار منیم

* * *

عاشیق یداللهام آدیم دیللمده
گئچرگونوم دایمی قریب ائللمده

یاشیل باش صونالار اوچور گوللرده
ایلنپ دوشماغا گولوم وار منیم

* * *

ائلاتلار

قیش گئدیب یازگلدی آجدی گول چیچک
گینه یایلاقلار اگلدی ائلاتلار
یاشیل دون گئنب تمام یال یاماچ
سوینجیده ن باخیب گولدی ائلاتلار

* * *

ائلات اوره گینی ویریب ائلینه
گئنیش حیاتینا گئنیش چولونه
کور اوغلو تک قالغا آتین بلینه
وطنه آرخادی ائلدی ائلاتلار

* * *

اشیت قوزولارین مه له مه سینی
سلدیریم قایادا کهلیک سه سینی

اوخورام سازیمدا ائل نغمه سینی
داغلاردا آچیلان گولدی ائلاتلار

* * *

قیی ووروب چوبانلار گلیر نعره سی
ده ده عللکگرین شمشیرین سسی
حسین جوانیمین گوزله مه سی
وورغونون نغمه سین بیلدی ائلاتلار

* * *

عاشیق یداله هام ائل بالاسیام
هم وطن اوغلویام هم آناسیام
ائلین عاشیقیام ائل آرخا سیام
آخان بیر عمانا سئلدی ائلاتلار

* * *

گرایلی آنالار حاقیندا

گنجه گوندوز اویاق قالان
منه لایسلای دئین آنام

سـیز یلدایب آغـلایاندا

گـوز یـاشیمی سـیلن آنـام

* * *

امک و یـریب قـدیر بـولن

بـالا دئیـب اوزه گـولن

اویـاق قـالـیب سـحره جن

اوز قـدینی ایـین آنـام

* * *

سـاز دانـیشار مـضرا بـینان

عـاشیق اوخـور آوازیـنن

یـداله هـا مـین نـازینان

شـیرین لاریـلای دئیـن آنـام

* * *

دیوان - اولار


آتا نصیحتی اوغول سنین اوچون وار اولار

یقین بیل کی آخرتده سنه شفاکار اولار

کیمین اولسا بودونیا دا ناموس غیرتی عاری
اوزون ساخلار ائل ایچینده دایمی اوستوار اولار

ایگیت گره ک آتاسیندان درس آلیب کامیل اولا
طایفادا همیشه لیک ائلین قایدینا قالا
آنا آنا باجی قارداش اونا مهربان اولا
الله اوزو وعده ویریب قیامتده یار اولار

خالیق اوزو پیغنبرده ن بیزه پیام یترب
اوره گینده مین بیر آرزو دوز انسانین بیترب
مسلمانا واجب اولان اصولدین گتیریب
بو عملده ن یدالهدا یقین خبردار اولار



عاشیق عزیز شهنازی

شابک: ۹-۳۷-۶۹۵۳-۶۴۴
ISBN : 964 - 6953 - 37 - 9

مرکز پخش : انتشارات زر قلم
تبریز ، خیابان امین ، پاساژ ولیعصر
تلفن : ۵۵۶۷۴۸۲

